

新
增
地
理
辨
正
圖
解
掌
訣

新增地理辨正圖解掌訣序

書有可解者。有不可解者。日用倫常經書。欲盡人知之。故明白顯易。人皆得而解之也。天地秘藏。機不容洩。故深文奧義。不可得而解之也。

地理者。古人察天地之微。識陰陽之奧。竊其生機。自為造化。可以改天命。奪神功。此造物所珍秘。非通徹三教九流者。不能洞察其微也。故青囊、天玉諸經。自古迄今。知者絕少。而坊間刊本。雜出不一。盡皆妄誕。未免博謬貽害。此辨正之書。所由作也。自辨正作。而青囊、天玉始得有真解矣。無如世人不訪真師。不諳秘旨。而並不

解其解。及至心思窮盡。搜索無由。反為蔣公恨。甚至詆毀蔣公。而塗抹辨正者。噫。若而人者。其可哀矣。

予歷盡艱辛。訪師多年。始得其秘。於丁丑戊寅歲。予遊寓星子連州。二三知己。以辨正索解于予。數月之間。已盡其概。乃慮其難得而易失也。復乞予著明掌訣並圖。其難知者。以為隨地披閱焉。予不獲已。將秘旨作圖。而訣亦寓其中。圖僅二十有八。而辨正作用已盡于斯。今而後可無遺忘之患矣。倘猶有不可解者。請披閱斯圖而重釋之。則雖深文奧義。不可得而解者。亦無不可。

得而解之矣。又何患乎。青囊諸經。有不了然于心目者乎。願共珍之。惜之。勿輕洩焉可也。

合功山人桃谷戴禮臺序
李澤仰重抄於北京市

辨正圖說再序

一、地理之書所牛光棟。其言出頭者。總通套當同。其言理氣者。諸書皆偽。惟者震、天、玉、經乃真正秘傳。古今地師皆慎密不洩。今將辨正詳註而辨明之。其詞似秘實則透關評盡。但少掌訣少起例耳。

一、玄空大五行。胡以言乎大。以其括盡諸家五行。而一以貫之者也。却又並無五行。非若俗傳大玄空。以某干支屬木。某干支屬金。某干支屬火土水者。

一、玄空大五行。實是玄空却不是俗傳之大小玄空。實是四經却

不是俗傳之四經。實是三合却不是俗傳之三合。實是八卦九星却不是俗傳之八卦九星。實是斗首却不是俗傳之斗首。祇此一箇五行。徹上徹下。舉凡諸家各種五行之名。皆是玄空大五行。故一見而知其為真傳也。

一、玄空以廿四山分八卦。八卦分三大卦。名玄空大五行是矣。乃經又云。天卦、地卦、東卦、西卦、南卦、北卦、父母卦例何多也。昧者每指某為東卦。某為西卦。某為南北卦。父母卦、天地卦。何夢夢若是。更分子午卯酉為一大卦。辰戌丑未為一大卦。寅申巳亥為一大卦。愈係作廢也。玄空乃丹家內煉之秘。

實生生不已之區。萬物交結之所。老子謂微妙之門者也。山川融結實有其處。隨在可指。其理即與易卦無不符合。葬乘生氣。奪造化之權。正在於此。知此則格龍、格水、下卦、起星可坐而定矣。

一五星所屬。天玉未嘗言及。祇云五星配出九星名。一句而已。讀辨正者。亦一恨事。不知天玉。固已言之諄諄矣。讀者過目不覺耳。細閱圖訣當必有悟。

一九星除從前錯誤者不論。近日多宗古鏡歌。以廿四山隔四位換排。而廉貞歸中。諸為蔣公秘授。又有以輔弼作一星三匠廿四位

者。又有九星為不足憑信者。皆不得真傳故也。不知九星之飛布九宮乃天地自然之位數。不假人力安排者。中陽云九星乃斷向水應驗吉凶微渺之事。學者既知八卦興衰。則九星亦可畧其不肯輕洩也。如此乎。

一用時日最為緊要。有葬吉地而不發者。日時不合故也。擇日自太乙、禽奇、六壬、當選諸大家而外。惟楊公造命傳播極廣。近日專用烏兔太陽吊照。以為得蔣公秘授。豈知天玉經合祿、合馬、合官星之句。其訣至秘。其用至神。至奇、至驗、至靈。為世間有一無二之日課。用以造葬。無不速發。用以催福。無不

奇驗。惟得心傳口授者。方知其妙。今撮其要。共著數圖於後。知者用之。擇日之能事畢矣。

一古今地仙立一次。葬一地。必留鈴記。預定何時興發。何時出。何等人物。何等事情。此雖在龍穴砂水。上斷驗。實則莫逃乎數也。此數依八卦九星宗奇門與太乙皇極。不異中陽云。星辰流轉要相逢之句。已發其端。在學者精而求之。推而廣之耳。

戴梓林序
李崇仰抄

圖訣三序

原著及增補。增著共五十圖。首五圖為綱領。第六至第九圖為總持。第十至十三及增著三元歌分金掌訣為入用。第十四至第十九圖並增著坎離掌訣。乃明大卦天然交媾之理。為四十八局之準繩。第二十至第三十二圖乃揆星作用應驗。第三十三、四、四十四、五圖乃明生成變化之理。第三十五至四十三圖乃擇日用事。玩此以讀辨正。則辨正之秘旨見矣。閱者幸無視為河漢也可。

陳鳳梧輯補
李崇仰編抄

辨正圖訣增解序

地學之道。出頭為體。理氣為用。地理之書。百家雜出。言出頭則大同而小異。無甚差謬。說理氣則別戶分門。皆屬偽妄。惟辨正一書所出。出頭理氣。兩而化者一。而神獨得其傳焉。所以有志地學者。人多誦讀。却人多不曉。以未得其師傳授。故也。江左戴公粹林之哲嗣號韞玉者。暮年遊歷龍州。余因得其口訣。而於辨正之妙義與旨。頗有所見。因而遍閱山川。覆驗名山古墓。益信口訣不誤。戊子歲於穗垣與陳君典臣聚首。談及地理。終日忘倦。詢其所學。蓋韞玉師也。乃知學習同出一門。遂出戴公辨正圖訣相觀。見其圖訣畧未脩。次序不分。遂相共輯補。更為之增著。增解。數前刻尤為明

顯。雖秘傳未敢盡洩。而圖訣註解已把金針暗度矣。世之讀辨正者。將各圖共註解。細心考究。往復搜尋。其於辨正之微言奧旨。豈無豁然貫通之候乎。

上浣
鳳相共序於羊城讀易草堂

孝崇仰句讀編抄於此

讀辨正訣

凡讀辨正者。多不知解。若求其文句。如猜啞謎。即讀熟辨正。終屬渺茫。因不得真傳。而不得訣。故也。不知辨正一書。其文辭至淺者。道理愈深。其用尤重。惟青囊奧語十義。足見諸凡作用盡在奧語十義之中。起止分合。生成變化。道理無不具備。凡讀者宜以十義逐句索解。更以逐句字字追求。方為得法。如第一何以曰義。第二何以曰言。第三何以曰法。第四何以曰奇。第五何以曰妙。第六何以曰秘。第七何以曰奧。第八何以曰裁。第九何以曰神。第十何以曰真。再以圖訣細心玩之。無不了然。此便是讀辨正之秘訣也。所以有辨正理氣。

不可無辨正圖解。是有辨正圖訣方可識辨正理氣。實照經云。審龍若依圖訣。弄官職榮華立可觀。圖訣是理氣對證。

天地生成河圖圖訣


河圖妙義理通天

本末根苗一氣連

四象中央分內外

五行個裡合方圓

河圖妙義地理通天
根苗本末一氣相連



未有河圖洛書之數象。先有天地乾坤之理氣。是有天地乾坤之理氣。故有河圖洛書之數象。理與氣。數與象。則河洛之義與乾坤天地合一而已矣。所以天地生成。河圖為地理之體。自有乾坤變化。洛書為天文之用。地理之體。生成五行四象。而成十道。天文之用。變化八卦九星以應天心。此便是天地生成河圖之本末。自有天地變化洛書之根苗。

河圖變化洛書圖訣

洛書本末四為根


八卦中央五至尊

九個星辰行日月

三回天地定乾坤

九星八卦五四為尊

三回天地還滿乾坤



洛書即是河圖。河圖便是洛書。洛書化為河圖。河圖化為洛書。洛書合為河圖。河圖分為洛書。洛書是說在天成象。河圖是說在地成形。是有成形故有顯象。是有顯象必有成形。是有天地生成。河圖為地理之體。固有乾坤變化。洛書為天文之用。是有五行四象而成十道。故有八卦九星以應天心。地便是無窮變化之本末。自有萬物生成之根苗。

先天八卦本象圖訣


先天八卦說君知

甲木逢春發葉時

四象中央為正幹

五行以外是旁枝

是有正幹必有旁枝
真龍出入左右扶持



先天八卦是說生數。生數者即太極生兩儀。兩儀生三才。三才生四象。四象生五行。五行生八卦。即如甲木萌芽漸成枝幹。幹者一直生上。乾之性也。枝者橫別八方。坤之性也。所以乾卦成而坤卦隨。即成矣。乾坤兩卦成而八卦隨。即成矣。八卦成而九星隨。即成矣。八卦九星成而天地萬物隨。即成矣。此便是先天八卦生數之本末。自有後天八卦成數之根苗。

後天八卦末象圖訣


後天八卦即先天

本末中央一氣連

太極生成三極體

五星配出九星垣

在天成象在地成形
分明八卦變化九星



後天八卦是說成數。成數者六七八九十是也。六七八九十
即是一二三四五。實為兩個一二三四五也。一個先之一二
三四五為本。一個後之一二三四五為末。止此兩個一二三
四五變化無數個一二三四五。無數個一二三四五終歸合
為一個一二三四五。此天機也。此便是後天八卦成數之本
末。自有先後八卦合數之根苗。

先後八卦並體圖訣

後天極數合先天


八卦九星一氣連

四象中央歸本位

五行內外各還原

先本後末同共一天

五行四象內外相連



前圖先後八卦是說分數。此圖先後八卦是說合數。是有分數。故有合數。是有合數。必有分數。分數者。一十分為二。五。合數者。二五合為一十。所以前之先後八卦分而為二。此之先後八卦合而為一。分而為二者。九四九五。合而為一者。九九八一。九四九五。是說行龍之實義。九九八一。是說結地之真情。此便是先後八卦合數之本末。自有先後八卦分數之根苗。

八卦分為三卦圖訣

乾坤變化易門開


天地人通任往來

九直九橫分九曜

三經三緯合三才

乾坤變化三緯三經

橫推直有三卦分勾



江東一卦從來吉。八神四個一。

江東一卦。起於酉。乃天然位數。無有不吉。八神四個一者。是以八卦變四位。以求同氣。實為三個一也。三個一者。坎巽兌之一也。坤中艮之一也。震乾離之一也。是有三個一。即有三個二。是有三個三。即有三個四也。此一氣相連。實為三個一二三也。所謂一生二。二生三。三生萬物之玄關是也。

八卦分為二卦圖訣


不同三極也相通

兩卦終歸義祖宗

但遇此情皆吉地

每逢是義即真龍

不同骨肉却共祖宗
挨着父母便是真龍



江西一卦排龍位。八神四個二。

江西一卦。乃江東一卦之對面。所謂江西龍去望江東是也。八神四個二者。是以八卦經四位而起父母。實為三個二也。三個二者。坎坤震之二也。巽中乾之二也。兌艮離之二也。是有三個一。故有三個二。是有三個二。必有三個三。實為三個一二三也。所以三卦由此而分。八卦九星由此而成也。

八卦統共一卦圖訣

生成變化顯方圓


九個星辰任倒顛

天地五行同一體

乾坤大斷合三連

洛書顯象八卦成形

三回天地化出九星



南北八神共一卦。端的用無差。

始云東一卦。次云西一卦。此云南北八神共一卦。豈非三大卦乎。
豈非云江南龍來江北望。江西龍去望江東之妙義乎。又曰。天機
妙訣本不同。八卦止有一卦通。豈非云此一卦乎。所以惟此一卦
魚所不通。魚所不達。凡天地萬物生成變化。道理盡在此一卦中。
是以為入用之極廣。

世四龍管三卦圖訣

增解 三般卦數理通天

六合週流任自然
分配九宮知妙義
相生同氣亦相連



二十四龍管三卦。莫與時師話。忽然得知便通仙。代代鼓駢聯。

坎至巽是四位。巽至兌亦是四位。八卦皆經四位。三方六秀為一例。父母子息為一例。兄弟子孫為一例。一四七。二五八。三六九。人皆知之矣。而作用配合。雖老於此者。尚在昧昧。病在耽度。命於先師也。

此圖與上三般卦大同小異。而此較為明顯。

分別零神正神圖訣

陰陽二字兩星辰

龍水相交理氣真

坎位生來為正向

離宮尅入是零神

龍水配合夫婦情真

零堂合氣正向通神



陰陽二字看零正。坐向須知病。若遇正神正位裝。撥水入零堂。零堂正向須知好。認取來山腦。水上排龍點位裝。積粟萬餘倉。

分零正兩字之義有二。有局內之分零正者。有局外之分零正者。局外之分零正者。止許零神入內局。內之分零正者。不許零神出外。如是則為雌雄交媾。天然結地無疑矣。反此則為陰陽差錯。並非結地之理氣矣。

分別珠寶火坑圖訣

顛顛倒倒地翻天
氣運循環六十年
珠寶火坑分對面
火坑珠寶近身邊

得之珠寶天之火坑
時為珠寶時為火坑



顛顛倒二十四山有珠寶。順逆行二十四山有火坑。

顛顛倒說是變化之火坑珠寶。順逆行是說生成之火坑珠寶。生成之火坑珠寶。近在左右。變化之火坑珠寶。近在前後。左右之火坑珠寶。生成已定。前後之火坑珠寶。變化隨時。所以為人作事。總要行得正做得中。便是珠寶。倘有偏心不正。見利忘義。則陷入與火坑矣。明此則火坑變為珠寶之用矣。

審龍定向分金圖訣

審龍出脉細心詳

天地人兼左右看

九個分金挨內外

三回定向傍中央

龍有三出脉有三來
專向三取孰定三才



前兼龍神前兼向。聯珠莫相放。後兼龍神後兼向。
排定陰陽算。

前兼龍神陽龍也。後兼龍神陰龍也。陰龍相兼有三出。
陽龍相兼有三來。三來者左中右。三出者右中左。以左
中右評十道。以右中左定天心。以定乘氣之中正。以為
定福之準繩。此葬法之精微。乃地理家之秘要。所以有
葬吉地而不發者。亦有發而不均者。甚至乎不發而絕
房者。皆乘氣不中正。故也。


依龍立向分金圖訣

增解 向首分金要合龍

陰陽二氣貴相通

先察三才觀透地

還從天際認虛空



此格龍立向消納配合之秘法。若龍犯剝雜。則以水救之。另自有訣。以三大卦為主。以夫婦圖分金。執此亦入用矣。至入神入化。則非研究諸圖不可。

此三元配合父母。與前兼後兼盡在於此矣。雖然亦豈易言哉。今人讀得寶照經數語。則持將盤而稱三元地師可矣。可恥之甚也。此圖同前較為明白。

坎離水火交媾圖訣

先天變化後天開
南北東西一路來

坎離中宮通九竅

乾坤逐位合三才

水火既濟北去南來
坎離合氣妙應三才



坎離水火中天過。龍池移帝座。

兩句上下同義。其妙用在中天。中天者中五也。若非中五不能上行下濟。若非中五。不得媾合坎離。所以天地萬物。逢五則通。逢五則達。逢五則變。逢五則化。逢五則生。逢五則成。逢五則動。逢五則靜。逢五則富。逢五則窮。此足見坎離水火中天過一句。皆得中五而行變化。得中五而成雌雄者也。


倒排父母子息圖訣

倒排父母是真龍

子息達天聰

倒排者即顛倒顛也。大五行作用全在顛倒。此圖粗視之合十而已。精求之八卦對待。即坎離交媾。

此訣在夫婦着眼



挨排九星元運圖訣


坤壬乙巨門從頭出
艮丙辛位位是破軍
辰巽亥盡是武曲位
甲癸申貪狼一路行

此扭轉圖乃挨星大作用。

用斷禍福無不奇驗。蔣公

已明明說出。但非如俗傳

隔四位挨排者。



分布四十八局圖訣

二十四山分順逆
共成四十有八局
五行即在此中分
祖宗却從陰陽出
陽從左邊團團轉
陰從右路轉相通

內癸亥四柱甲戌四柱挨考致
從源頭起便知屬何五行



五星配出九星圖訣

此圖同前。人謂一個排來
千百個。不是說五行四柱
乎。敢問星辰流轉要相逢。
又着實是那一個相逢。
善讀辨正者固如是耶。



一個排來千百個。莫把星辰錯。五星配出九星名。天下任橫行。九星雙起雌雄異。玄關真妙處。本向本水回神奇。代着鮮衣。


增一個即是星辰。星辰即是一個。指帝星而言也。帝星隨時變化。五行四柱皆以帝星歸垣為主。帝星變化無窮。故五行四柱有千百格式。故云一個排來千百個也。五行金木水火土實統其九星內。故云五星配出九星也。

雌雄交合玄空圖訣

雌與雄交會合玄空。雄與雌玄空卦內推。山與水須要明此理。水與山禍福盡相關。明玄空只在五行中。知此法不須尋納甲。

一遁入玄空之圖。一宮是一卦。交媾一圖已該八卦。下卦支則卦卦交。奇絕。

青囊開闢首云。揚公養老看雌雄。奈世人不察。竟不搜尋也。



冬至順行甲子圖訣

順行甲子順天然

天地生生一氣連

反復循環排六甲

流行終始運三元

順行甲子生出天然
貪而至弱一氣相連



青囊補註云排六甲以大甲之紀年審運也

冬至順行甲子。是說生數。生數者一二三也。四五六也。七八九也。三個一二三也。所謂一生二兮二生三。三生萬物之玄關是也。冬至甲子是為生數之始。所以不得不順數也。如不順數則不生矣。不生則不成矣。不生不成則無以見八卦九星矣。此便是順行甲子之本末。自有逆行甲子之根苗。

夏至逆行甲子圖訣


逆行甲子逆行天

反復循環數倒顛

八卦九星皆換象

一成十道各歸垣

玄聖妙用全在倒顛
生成十道各自安然



夏至逆行甲子。是說合數。合數者二五合一十也。二合八也。三合七也。四合六也。五合十也。夏至甲子是為合數之始。是以不得不逆數也。如不逆數則無以見起止分合。如無起止分合。則無以見變化生成。所以生數即是分數。成數即是合數。故凡天地萬物。不分不聚。不合不化。不分不生。不合不成。乃一定之理也。

順排六十花甲圖訣

以六十花甲換二十四山。猶乎用六十四卦配二十四山氣運也。一年之氣運在此。十年之氣運亦在此。即天地始終之氣運亦無不在此。精於卦者知之。精於大五行者。不用二三推測。亦能前定。此行運相逢圖也。兩掌明白並無隱諱。可一望而知者。同家分起兩路行。至止處。如水之交會亦天然也。



逆排六十花甲圖訣

青囊補註云。排六十甲以六十甲換紀年審運也。用三週花甲分為大運。花甲一週分三小運。極為準驗。此圖干支到處。星亦在焉。以星看吉凶禍福。以干支論年月日時更加靈驗。



北斗七星打劫圖訣

七星打劫少人知

妙義終歸兩遇時

禍福均分憑善惡

吉凶判斷有公私

七星打劫却有珠親

吉凶判斷善惡分明



北斗七星去打劫

七星打劫之義。即如比肩兄弟。相遇之義也。比肩兄弟為劫財之神。故曰打劫。豈非凶義乎。然而兄弟有真兄弟也。有假兄弟也。真兄弟者同骨肉。假兄弟者損友也。所以七星打劫之義全在分別兄弟真假。以取斷驗吉凶禍福。天玉經云。但看太歲是何神。立地見分明。

離宮相合應驗圖訣

離宮相合說君知

兩個金星並體時

細辨陰陽分順逆

詳推天地合干支

離宮相合應驗隨時

循環二至天地干支



離宮要相合

離宮相合之義。即男女夫婦相逢之義也。即彼此和好之義也。豈非吉乎。然而夫婦之義。有真夫婦也。有假夫婦也。真夫婦在十道之內。假夫婦在十道之外。如果真夫婦則全吉矣。若假夫婦則藏凶矣。所以離宮相合之義。全在分別夫婦真假。以取斷驗吉凶禍福。

陽局順相逢數圖訣

干支重化是相逢
天地循環九氣通
坎位神交三極裡
離宮數合一般同

干支重化故曰相逢
循環天地九氣皆通



寶照經云。星辰流轉要相逢。

陽順相逢數者。即北斗七星去打劫之數也。
九星生成之數也。三卦換星之數也。是由一
起而至九止。貪、巨、祿、文、廉、武、破、輔、弼。逐一挨
去。為順為陽相逢數也。如上元甲子起坎。以
六十花甲順排。每逢是年與天地干支同宮
位者。即相逢數也。其年可決斷吉凶禍福。靈
應如神。

陰局逆相逢數圖訣

雙星聚會得相逢

三卦神通自有功

禍福不靈虛假地

吉凶應驗果真龍

逆數相合順數相通

雙星聚會主客重逢



青囊序云。有人識得陰陽者。何愁大地不相逢。


陰逆相逢數者。即離宮要相合之相逢數也。即九星
 變化之相逢數也。是由九起而至一止。彌輔、破武庫、
 文祿、巨貪。逐一換。為逆。為陰相逢數也。如下元甲子
 起離。亦以六十花甲順排。亦每逢是年與天地干支
 同宮位者。即相逢數也。其年可決斷吉凶禍福靈驗
 如響。

立成文破陽局圖訣

乾五十三
坎四十七
艮十三
震五十三
巽四十三
離六十七
坤六十一
兌六十七

此八卦相逢之數。數至所指處是幾數。便知幾年幾月出何等人物事情。應驗預先年月。

〔增解〕乾至震五十二數。至離二十二數。坎至巽四數。兌七數。艮至坤十三數。震至乾廿二數。至離五十二數。巽至兌四數。坎至坤四數。離至震六十七數。乾至兌四數。兌至坎五數。坤至艮六十一數。兌至坎六十七數。兌至巽七十數。



立成文破陰局圖訣

乾六十一
坎六十七
艮六十一
震六十七
巽五十三
離四十七
坤十三
兌四十三

〔增解〕乾至離六十一數。至震四數。坎至兌六十七數。至巽五十二數。艮至坤六十一數。震至離六十七數。至乾七數。巽至坎二十二數。至兌十數。離至乾四數。至震五十二數。離至乾四數。至震七數。坤至艮十三數。兌至巽二十二數。至坎四十三數。



坎艮震巽離坤兌乾
艮震巽離坤兌乾坎
震巽離坤兌乾坎艮
巽離坤兌乾坎艮震
離坤兌乾坎艮震巽
坤兌乾坎艮震巽離
兌乾坎艮震巽離坤
乾坎艮震巽離坤兌


(增解)冬至后陽
 局坎宮起甲子
 左旋巳丑排至
 艮丙寅排至震
 丁卯至巽戊申
 至離辛丑至坤
 庚午至兌餘卦
 倣此此在癸辰
 寅甲卯乙辰巽
 巳丙午龍向砂
 上峯岳上着眼



北斗七星右旋圖訣

離巽震艮坎乾兌坤
震艮坎乾兌坤離巽
艮坎乾兌坤離巽震
坎乾兌坤離巽震艮
乾兌坤離巽震艮坎
兌坤離巽震艮坎乾
坤離巽震艮坎乾兌

增解 夏至后陰
局。離宮起甲子。
左旋。丁亥排至
巽。庚午到震。辛
丑到艮。戊申到
坎。丁卯到乾。丙
寅到兌。己丑到
坤。餘卦倣此。
此在丁未、坤、申、
庚、酉、辛、戌、乾、亥、
壬、子、龍向砂水。
峯岳上看眼。



九個挨星滿數圖訣

乾坤變化萬千端

天地氤氲氣一團

八卦九星皆動靜

五行四象共盤桓

乾坤變化。妙氣一團。

五行四象。合共盤桓。



惟有挨星為最貴。洩漏天機秘。

最貴者帝星也。挨星者即帝星之行運也。滿數者乃帝星之極數。即天地之合數也。極數者九六五百四。合數者九九八十一也。前者聖賢有言。此一時也。彼一時也。五百年必有王者興。豈非洩漏天機乎。所以五百四年。天地有此一變。而萬物亦有此一變。故凡天地萬物生成變化。總不出挨星範圍。

天地生成規矩圖訣

生成地理合天文


氣感神通兩儀分

夫婦相交應閉戶

雄雌未變不開門

雄雌合氣。夫婦交光。

乾坤下種。天地包含。




天地規矩。內柔外剛。自動自靜。自行自藏。參奇合偶。並體陰陽。無分清濁。混沌玄黃。外成手足。內合心腸。分明四象。配合五行。一橫一直。自作紀綱。生成十道。變化五皇。東南西北。統理中央。自中自正。自圓自方。至弱至富。至善至良。五十五數。兩兩推排。雄雌合氣。夫婦交光。乾坤下種。天地包含。三春建業。十月名揚。時通運至。子母分張。起止分合。動靜循環。一團妙氣。天地文章。

日月變化方圓圖訣

乾坤變化地開天
子丑寅通一氣連
順逆陽陰分晝夜
往來日月合方圓

支神屬地。干神屬天。
生成規矩。變化方圓。



日月方圓。即是天地規矩。天地規矩。便是日月方圓。靜為天地。規矩。動為日月方圓。化為天地規矩。變為日月方圓。天地規矩。為日月方圓之體。日月方圓。為天地規矩之用。體在東南西北之內。以成十道。用在春夏秋冬之中。以定天心。所以吾書專講天心十道。作用盡在十道天心。是以兩圖一氣相連。體用相並。不可以相離者也。

朱雀發源挨星圖訣


挨星起例乙庚伸

北極通天化九辰

逆步離宮知妙義

順行坎位見精神

順往逆來五星化始
生入剋出九星化戒



朱雀發源。即是帝星起例。帝星起例。便是朱雀發源。帝星為朱雀之體。朱雀為帝星之用。體在紫微垣之內。用在太微垣之中。所以朱雀在南。其本體實在北。是以紫微宮發源。為挨星起例。挨星者。乃帝星之行運。起例者。即朱雀之發源也。一生入。一剋出。生入者。離宮逆步。剋出者。坎位順行。順行火金木土水。逆步火土金水木。此即帝星行運之義。五星配九星之義也。

合祿馬合官星圖訣

合祿合馬合官星。本卦生旺壽。
合凶合吉合祥瑞。何法能通避。
當看太歲是何神。立地見分明。
生旺乃全書之作用。切勿思過。
此訣最秘。催福極神速。極奧妙。
亦極容易。舉凡一百二十家。無
過於此。



祿馬官星生旺圖訣

用法最重生旺。在生旺之位。
得生旺之氣。則妙極而福應
立至矣。另有二十四山圖。此期
事畢可用。

〔增解〕當今者為旺。將來者為
生。方去者為衰。去已久者為死。



換星妙合天心圖訣
用法同上。前刻總指一
圖。今分而為三。原無二
義。但覺醒目。三圖規矩
全憑修者在人。諸訣皆
然。



天帝太陽合貴圖訣
此圖用處極廣。日家尤
要。其陰陽平排。交互配
合。妙出天然。至矣。盡矣。
萬以加矣。得者寶之。



天官賜福貴人圖訣

天官起例諸君知


十個干加十二支

數至陽陰交合處

還歸日月顯明時

天官上殿。日月合明。

陽陰合氣。賓主有情。



天官起例。即丙子乙丑甲寅癸卯壬辰辛巳庚午

己未戊申丁酉丙戌乙亥。如貪狼、巨門用事。以甲

寅己未為進福。破軍、左輔用事。以庚午乙丑為進

福。祿存、武曲用事。以丙子辛巳為進福。文曲用事

以壬辰丁酉為進福。右弼用事。以戊申癸卯為進

福。內有五福堆貴最為吉格。更有五福堆祿亦上

吉格也。此說四垣中之天官星。賜福之真貴人也。

加官進祿八位圖訣

祿星八位十分清


天地神通自顯明

日月交中知妙義

陽春到處見真情

祿星八位十字分清

千支配合自有真情



祿星名義公同。玄空用法却異。最貴者以官合祿。至富者以祿合馬。皆要合在本卦。謂之合祿。合馬。合官星。本卦生旺壽是也。如貪狼。巨門用事。以甲寅。甲午為進祿。祿存。武曲用事。以辛酉。辛巳為進祿。破軍。左輔用事。以庚申。乙卯為進祿。文曲用事。以壬午。丁亥為進祿。右弼用事。以癸巳。戊子為進祿。此即四垣中之倉庫星。應天心十道之真祿星也。

馬上金銜四相圖訣

馬化龍駒天地春


三關四路顯星辰

寅申會合知虛實

巳亥同參見假真

馬又屬龍。動性皆同。

金銜御殿。主僕相逢。



馬即寅申巳亥。無主乃是野馬。帝星升殿歸垣。有主方為真馬。所以四垣帝宿正是四馬主人。如天市垣以辛巳為進馬。少微垣以乙亥為進馬。太微垣以戊申為進馬。紫微垣以甲寅為進馬。至於四垣分宮各自有馬。各有換星。類推自明。細玩本圖更為易見。總以主人得位為真。此說四局中之禎祥。五妙中之瑞氣。應天心十道之真馬也。

天乙貴人上殿圖訣

貴應玄空晝夜清


干支配合顯聲名

陰陽兩路終非據

夫婦雙關最可憑

官星貴宿晝夜皆清

離通坎氣自有真情



合天心自然進貴。通月氣自顯星辰。却有真

偽之別。並無晝夜之分。如貪狼、巨門星體用

事。甲子、己丑、甲申、己未為進貴。祿存、武曲星

體用事。丙寅、丙午、辛酉、辛亥為進貴。破軍、左

輔星體用事。乙丑、乙未、庚子、庚申為進貴。文

曲星體用事。丁巳、丁酉、丁卯、丁亥為進貴。右

弼星體用事。癸巳、癸卯、癸丑、癸未為進貴。此

說四垣中之正官星。應天心之真貴人也。

乾坤生成洛書圖訣

洛書滿數顯乾坤


八卦圖中化九天

北極生成南極體

紫微變化太微垣

洛書兩個同共九天。

先本後末。一氣相連。



洛書道理止一。吾書分而為二。不知一即是二。二
即一也。凡讀者知所先後。則道理明矣。如先之洛
書乃天地變化。後之洛書是乾坤生成。先之洛書為
是天地分用。後之洛書是乾坤合體。先之洛書為
乾坤創業。後之洛書是天地成功。先之洛書是由
本而至末。後之洛書是由末而復本。皆出乎天理
之自然。未有一毫私議者也。

洛書變化河圖圖訣


河圖兩個細推詳

本末根苗一樣裝

四象中央同臟腑

五行內外共心腸

河圖兩個道理一條
五行四象本末根苗



河圖道理公同。吾書解法畧異。使後學者心目了然。以見吾書解法簡切。所說道理真實不虛。以見道理之極深。以見道理之至淺也。淺者一也。深者亦一也。兩一之中。無窮變化。道理無不具備。前者聖賢概已發明。無如世人。多不領會。程子所謂。始言一理中。散為萬事末。復合為一理。豈非云河圖之妙義乎。所以吾書圖訣。以河圖變洛書為始。以洛書化河圖為終。以河圖變洛書為本。以洛書化河圖為末。

其餘各圖作用。盡在本末始終之中。大學所謂。物有本末。事有終始。知所先後。則近道矣。所以謂之大學。大學者大人之學也。豈可與庸人而語哉。

增著天元龍歌圖訣

〔增解〕天元歌云。取得輔星成五吉。山中有此是真龍。此從龍上取輔星以補龍也。天元兼收輔弼。是一元而兼兩元。龍力更厚。發福愈長。取輔星如子來脉。兼癸即從癸倒排父母。癸與巳交為夫婦。又為父母。即在巳起貪狼。順挨至子宮。即輔星也。如午、丁、卯、乙、酉、辛。做此。




增著地元龍歌圖訣

〔增解〕地元歌云。甲庚丙壬為正向。脉取貪狼護正龍。此從向上取貪狼以補龍也。取貪狼法。如辰龍坐丙向壬。即從壬向倒排父母壬與辰爻為夫婦。又為父母。即從辰起貪狼。則貪狼即在辰龍也。若甲未庚丑丙戌做此。



增著人元龍歌圖訣

〔增解〕人元歌云。乙辛丁癸水來催。此從水上取貪狼以補龍也。取貪狼法。如寅龍辛水。即從辛倒排父母寅與辛爻為夫婦。又為父母。即在寅起貪。則貪狼即在寅龍也。若乙申癸巳丁亥做此。此天地人龍向水分三圖。實是活法。各立一圖。舉一可以反三。




增
著坎離交媾掌訣

坎離水火中天過。

龍蟠移帝座。又曰。

泥鰌落汾躍龍門。

渤海便翻身。



增解。坎是坤。離是乾。水是坎。火是離。離東坎西。日月出入坎離。故有取乎坎離。先天之乾坤。即後天之坎離。其先後陰陽配對。奇極。妙極。粗視之是一四七。二五八。三六九。精求之。則天地氤氲。其氣化神。妙實難言。立成掌訣。以便易曉。其法從坤起乾。順輪九宮。坎離一起一落。點至震中艮。所謂泥鰌落汾也。至巽坤離。所謂躍龍門也。挨盡。復在離宮。逆輪轉。所謂渤海翻身也。此舉坎卦以為例。餘可類推。


增立向分金掌訣

陰陽配合要分明

審定玄空認九星

辨別三才知入氣

交光夫婦見真情



增解。寶照經云。龍真穴正。誤立向。陰差陽錯。悔吝生。幾為奔走。赴朝廷。纔到朝廷。帝怒形。時師不曉。龍何向。墳頭下了。剝官星。此以知立向分金。認龍點穴。而後最為緊要。地理固首重垂頭。即得吉地。而向首分金。或陰陽差錯。未有能發福者。或有發而不均。發而吉凶參半。甚且發而敗絕。皆由立向之誤也。地理家立向多從五行起。長生為消納。或從坐向起。長生。或從來水水口作某局起。長生。或有以辰戌丑未為四大水口。如乙丙交而趨戌。辛壬會而聚辰之類。或有

卦掌中起中止弦起弦止輔弼全宮以貪巨祿文廉武
破輔為有納者更有興翻卦掌取方位。全此吉凶爻其
名目以生五延六禍天絕伏為消納者。有以庚丁坤上
為黃泉坎龍坤兔為八煞者。又有以癸兼丑寅兼甲等
類為出卦者。近復有以張心言六十四卦盤定向為得真傳者。
不知張氏將希夷先生性理大全卦圖加於蔣盤之內已見
節外生枝。而其盤內表出六爻與周易六爻變化懸殊。尤為
畫蛇添足。用以覆驗名山古墓。殊無確據。諸書說理種種錯

謬難以盡述。皆未曉龍何向之龍字耳。所謂龍者非以山
為龍也。若以山為龍則無山非龍矣。夫龍也者天之陽氣
也。看金龍即看此陽氣。看雌雄亦看此天氣與地氣也。今
將看雌雄以立向分金略指而言之。壬子癸甲卯乙辰巽
巳未坤申是生向。丙午丁庚酉辛戌乾亥丑艮寅是成向。
蔣公玉尺辨偽云。山隴平壤皆有一定之穴。生成之向即
言此。河圖之生數成數也。青囊補註云。地有至陰之氣。
以招攝天之陽精。是說雌雄交會之處。入氣是雌。金龍
是雄。先看出水以定入氣。所謂水對三叉細認踪也。次看

金龍屬某方其向首分金坐某宿度。非沒事誇大用點然
可坐而定。知此則天心在此。十道在此。而結穴亦無不在
此矣。今之立向牽線者。果能見及此否。且未用羅盤之先。
其分金之深淺果有定見否。或問之。師曰。立向者皆言分
金。請問分金二字是何說法。師曰。分金二字不下片言。孺
婦可曉。何業此道者尚昧昧也。或不喻又問曰。且分金在
羅盤耶。抑在山頭耶。師曰。先在山頭後用羅經。蓋岳頭理
氣合而為一者也。或曰。唯唯。乃默喻於無言而不復問。

新增地理辨正圖辭掌訣終

陳鳳梧撰

中华古籍库

1000000 册 高清影印古籍

珍版刻印 / 海外流传 / 家传手抄 / 民间失传

古籍善本、经史子集、史料笔记、古人文集、
民间收藏、传世家谱、各地方志、中医典籍、
四库全书、古禁毁书、内阁文库、图书集成、
丛书集成、四部丛刊、万有文库、四部备要、
二十四史、三国六朝文、明清和民国古籍史料
.....



<https://www.fozhu920.com/list/>